



Bosna i Hercegovina  
Босна и Херцеговина

Agencija za  
identifikacione/identifikacijske  
dokumente/isprave, evidenciju i razmjenu  
podataka Bosne i Hercegovine



Агенција за  
идентификациона документа,  
евиденцију и размјену  
података Босне и Херцеговине

Broj: 15-03-16-5-33-52/23

Datum: 9.8.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, br. 56/08), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## O D L U K U o poništenju postupka nabavke

### Član 1.

Poništava se postupak javne nabavke **ketridža i glava štampača za uređaje za personalizaciju pasoša – LOT 2 ketridža štampača za uređaje Diletta, odnosno UV personalizaciju pasoša**, objavljen na Portalu javnih nabavki Bosne i Hercegovine, Obavještenje o nabavci broj 1110-7-1-16-3-39/23 od 16.5.2023. godine, i koji je proveden postupkom konkurentskog zahtjeva za dostavljanje ponuda.

### Član 2.

Poništava se Odluka o izboru najpovoljnijeg ponuđača broj 15-03-16-5-33-24/23 od 16.6.2023. godine, na osnovu koje je „MRG Export-Import“ d.o.o. Banjaluka izabran kao najpovoljniji ponuđač u postupku javne nabavke ketridža i glava štampača za uređaje za personalizaciju pasoša – LOT 2 ketridža štampača za uređaje Diletta, odnosno UV personalizaciju pasoša.

### Član 3.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

### Član 4.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

## O b r a z l o ž e n j e

Nakon preduzetih aktivnosti, Komisija za provođenje postupka javne nabavke (u daljem tekstu: Komisija) je konstatovala da je rok za prijem ponuda u postupku bio 7.6.2023. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za LOT 2 pristigla jedna (1) ponuda i to ponuđača „MRG Export-Import“ d.o.o. Banjaluka. Neblagovremenih ponuda nije bilo.



Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, broj 15-03-16-5-33-20/23 od 7.6.2023. godine, u kojem su detaljno obrazloženi razlozi za izbor najpovoljnijeg ponuđača. Pomenutim zapisnikom je utvrđeno da ponuda ponuđača „MRG Export-Import” d.o.o. Banjaluka ispunjava sve zahtjeve u pogledu opisa predmeta nabavke i tehničkih specifikacija, odnosno da je ponuda kvalifikovana i prihvatljiva. Analizom ponude, u postupku sa kriterijumom najniža cijena, Komisija je zapisnički konstatovala da je ponuda ponuđača „MRG Export-Import” d.o.o. Banjaluka najpovoljnija, te s obzirom da ista u ekonomskom i tehničkom smislu u potpunosti zadovoljava zahtjeve ugovornog organa dala preporuku da se donese odluka o izboru ovog ponuđača za najpovoljnijeg.

Na osnovu prijedloga Komisije Agencija je donijela Odluku o izboru izboru najpovoljnijeg ponuđača broj 15-03-16-5-33-24/23 od 16.6.2023. godine, na osnovu koje je “MRG Export-Import” d.o.o. Banjaluka izabran kao najpovoljniji ponuđač u postupku javne nabavke ketridža i glava štampača za uređaje za personalizaciju pasoša – LOT 2 ketridža štampača za uređaje Diletta, odnosno UV personalizaciju pasoša.

Agencija je, poslije provedenih radnji, dana 20.7.2023. godine uputila izabranom ponuđaču “MRG Export-Import” d.o.o. Banjaluka ugovor na potpis, koji je isti svojim dopisom, broj 4-065/23 od 28.7.2023. godine, obavijestio Agenciju da nema mogućnosti da potpiše ugovor “zbog propusta u članu 4., a vezano za rok isporuke”. Zaprimivši pomenuti odgovor od izabranog ponuđača Komisija je pristupila ponovnom pregledu i ocjeni ponuda, te sačinila Zapisnik o pregledu i ocjeni ponuda, broj 15-03-16-5-33-49/23 od 4.8.2023. godine. U ovom zapisniku Komisija je konstatovala da je ponuđač “MRG Export-Import” d.o.o. Banjaluka uz svoju ponudu dostavio potpisan i ovjeren Nacrt ugovora koji čini Aneks 5-b - za LOT 2 Tenderske dokumentacije, u čijem članu 4. je navedeno da je rok isporuke robe 30 dana, te da je uz ponudu dostavio i Izjavu u vezi roka isporuke sa obavještenjem da u skladu sa izjavom i uslovima dobavljača UV ketridži od 2023. godine se proizvode samo na zahtjev kupca i u određenoj količini, te da rok isporuke za navedenu nabavku iznosi 90 dana od dana zaključenja ugovora. Cijeneći da je izabrani ponuđač odbio da potpiše Ugovor o kupoprodaji ketridža štampača za DILETTA, te da u postupku predmetne javne nabavke nije bilo drugih ponuđača Komisija je predložila donošenje odluke o poništenju postupka ove javne nabavke u skladu sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14 i 59/22).

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: abadnjevic  
дигитално потписано / digitalno potpisano / digitally signed